

Adroddiad i'r:	Cyngor
Dyddiad y cyfarfod:	19 Gorffennaf 2022
Swyddog Arweiniol:	Rheolwr Gwasanaethau Democrataidd
Awdur yr adroddiad:	Steve Price
Teitl:	Penodi Cadeirydd ac Aelodau y Pwyllgor Gwasanaethau Democrataidd.

1. Am beth mae'r adroddiad yn sôn?

- 1.1. Mae'r adroddiad hwn yn ymwneud â'r Cyngor yn penodi aelodau etholedig i bwyllgor statudol ac yn penodi cadeirydd y pwyllgor.

2. Beth yw'r rheswm dros lunio'r adroddiad hwn?

- 2.1. Ystyriodd y Cyngor ofynion aelodaeth y pwyllgor statudol hwn yn ystod ei Gyfarfod Blyneddol ym mis Mai. Ar y pryd nid oedd manylion yr aelodaeth wleidyddol yn gyflawn ac felly cytunwyd i ddychwelyd i'r Cyngor yn ddiweddarach i gadarnhau'r penodiadau i'r Pwyllgor Gwasanaethau Democrataidd.

3. Beth yw'r Argymhellion?

- 3.1. Bod y Cyngor yn penodi cadeirydd ac aelodaeth y Pwyllgor Gwasanaethau Democrataidd ar gyfer blwyddyn 2022 / 2023 y Cyngor.

4. Manylion yr adroddiad

Pwyllgor Gwasanaethau Democrataidd

- 4.1. Mae Adran 11 o Fesur Llywodraeth Leol (Cymru) 2011 yn mynnu bod y Cyngor yn penodi Pwyllgor Gwasanaethau Democrataidd i adolygu pa mor ddigonol yw darpariaeth gan yr awdurdod o ran staff, gofod ac adnoddau eraill i gyflawni

swyddogaethau gwasanaethau democrataidd, ac i lunio adroddiadau a gwneud argymhellion i'r awdurdod mewn perthynas â'r ddarpariaeth honno.

- 4.2. Rhaid i aelodau'r Pwyllgor Gwasanaethau Democrataidd gael eu penodi gan y Cyngor Llawn. Ni fydd unrhyw aelodau cyfetholedig. O dan y Mesur ni fydd mwy nag un aelod o'r Cabinet ar y Pwyllgor (ac ni all fod yr Arweinydd), ond penderfynodd y Cyngor ym mis Mai 2012 y byddai'r aelodaeth yn 11 o gynghorwyr ac ni fyddai'n cynnwys aelodau o'r Cabinet.
- 4.3. Rhaid i'r Pwyllgor fod yn wleidyddol gytbwys a rhaid i'r Cyngor benodi cadeirydd sydd ddim yn aelod o unrhyw un o'r grwpiau gwleidyddol a gynrychiolir ar y Cabinet. I Sir Ddinbych, mae hyn yn golygu y bydd y cadeirydd yn aelod o'r grwpiau Annibynnol, Ceidwadol neu'r Blaid Werdd.
- 4.4. O'r 11 sedd sydd ar y pwyllgor ar hyn o bryd (ar adeg ysgrifennu'r adroddiad hwn) mae 5 sedd wag. O'r rhain, mae gan y Grŵp Llafur hawl i benodi 4 aelod a Grŵp Plaid Cymru 1 aelod. Yr aelodau a enwebir gan eu grwpiau ar hyn o bryd yw'r cynghorwyr Karen Edwards (Annibynnol); Chris Evans (Annibynnol); Hugh Evans (Annibynnol); Justine Evans (Ceidwadwyr); Martyn Hogg (Y Blaid Werdd) a Delyth Jones (Plaid Cymru).
- 4.5. Trefnwyd cyfarfod nesaf y Pwyllgor Safonau ar gyfer 30 Medi 2022.

5. Sut mae'r penderfyniad yn cyfrannu at y Blaenoriaethau Corfforaethol?

- 5.1. Mae cadw at ddyletswyddau statudol yn elfen hanfodol o drefniadau llywodraethu corfforaethol y Cyngor.

6. Faint fydd yn ei gostio a sut fydd yn effeithio ar wasanaethau eraill?

- 6.1 Nid oes unrhyw oblygiadau ar gost nac i wasanaethau eraill o gynnwys yr adroddiad hwn.

7. Beth yw prif gasgliadau'r Asesiad o'r Effaith ar Les?

- 7.1. Nid oes angen Asesiad o'r Effaith ar Les ar gyfer yr adroddiad hwn.

8. Pa ymgynghoriadau sydd wedi'u cynnal gyda Chraffu ac eraill?

8.1. Cafodd y gofynion statudol ar gyfer penodi'r Pwyllgor Gwasanaethau Democrataidd eu hystyried gan y Cyngor mewn adroddiad ar wahân ar 24 Mai 2022.

9. Datganiad y Prif Swyddog Cyllid

9.1. Nid oes unrhyw gostau ychwanegol yn deillio o'r argymhellion yn yr adroddiad hwn.

10. Pa risgiau sydd yna ac oes yna unrhyw beth y gallwn ei wneud i'w lleihau?

10.1. Nid oes unrhyw risgiau wedi eu nodi yn deillio o gynnwys yr adroddiad hwn.

11. Pŵer i wneud y penderfyniad

11.1 Mesur Llywodraeth Leol (Cymru) 2011